

## Filipai

<sup>1</sup> Njai Pol, Timoti da, man Jesus Kristus san urat tamol. Anj tamolpein gun ak Jesus Kristus lo yan Filipai na amado dan, agod anj matu pastor inj diken dam manj anjam na girek en migane ipalu da.

<sup>2</sup> Bai Anut inj Jesus Kristus idsad Tubun en da, anj ka ilod ipananj pe ilo maror dupananj a.

### *Ilo panek ru inj gudanek da*

<sup>3</sup> Saen fidian naj anj ilog isou dop naisag Anut ilo uyan ru nupani da.

<sup>4</sup> Naisag gudanek fidian njigane dan lo Anut anj fidian ibinawanj o nsumiani da, agod an naj uyasusai lo mi ago njigane da.

<sup>5</sup> Naj anj ilog uyan pananj da. Man dugo, nal malan te manj anj lulunjam lo urat fun miganeg ipalug gamu en, anj manj da sisem urat kisaek, bilalunj uyan ak Jesus Kristus ninen o tabol ilasa dugo tamolpein dulonj da.

<sup>6</sup> Agod naj mel en njalonj uyan ak, Enti a anj lo urat uyanan mok fun igane yan, urat an igane yaup nal a Jesus Kristus imul ipalu wan te gup itout a.

<sup>7</sup> Naj anj njinemi wo ago ilog isou dan uyan a. Man dugo, anj man naisag bubeg buson mok a. Gidad naj subanek lo numado boi, tia, naj bilalunj uyan ak dabai nupani boi, tia, naj kulob dabai ate bilalunj uyan ak njabol ilasa dan, an ru rumok ago njukubiai dile boi, anj fidian dam Anut san ilo panek e naj ipanag den lo atutoug amado da.

<sup>8</sup> Anut in̄ n̄ai an̄ n̄ilian̄ o ilog tubun mi ibol dan ilon̄ a. Ilo panek a Jesus Kristus an̄ lo igane dan, an̄ n̄ai ilog lo iganeg ate n̄ai an̄ fidian nin̄emi wo tubun geig n̄amat da.

<sup>9</sup> Agod n̄ai igo n̄ugudani da, an̄ an̄sem nug ilon̄ apanip an lo dop an̄anem ilo panek isudap tubun a. An lo dop an̄ an̄anem man̄au lo, agod an̄anem ilo tarpasek lo dam, amug alasap mel an uraru mi ilom lo awan isa wa.

<sup>10</sup> An lo an̄ kagin naok naok a Anut malan lo uyanan mok an nin̄edi wo ilom itarpasi san an̄ idaisuda geig a. An mi tia, an̄ bubem itaot, aenta an̄ nin̄emi wo ru tia, ago amado yaup Kristus san nal ilasa wa.

<sup>11</sup> Agod kagin itaotan san nuñon wei mi Jesus Kristus lo ilasa dan, an̄ tinim lo idaisuda wa. An lo tamolpein in̄ Anut yan̄an girager aman da yak diabisa dop ilo uyan dupani wa.

<sup>12</sup> Teig taog, an̄ alon̄ uyan o n̄ai ilog ibol da, muruan ta n̄ai tinig fo digane ya, ago bo man muruan nek an bilaluñ uyan en ifufurak yau san dal ipasi a.

<sup>13</sup> Rumok, in̄ n̄ai subanek lo diginiag a, gug kagin an lo tamolpein fidian Rom na dumado dan in̄ dulon̄ ak n̄ai Kristus san urat n̄igane damaiak naon n̄isini da. Agod tamol adi Kaisa san ab dititiani dan, an dam fidian dulon̄ a.

<sup>14</sup> Agod an mi tia ya. Tia, n̄ai teig taog Tubun en lo dumado dan wei mi dam, n̄ai sein nam dusubanag go n̄umado dan lo, in̄aned ilo rumok dabai ipanig direr san tia ya, an lo Anut anen ru dabai nam dufulale da.

<sup>15</sup> Rumok, aenta in̄ Kristus san ru dufulale dan fun man, in̄ n̄ai nīneg o turak dususa da, agod sed yaṅad disini da. Gug aenta man in̄ ilo sou uyan ak lo mi ago digane da.

<sup>16</sup> Tamolpein e ilo panek lo digane den n̄ai nīneg o duloṅ a, n̄ai subanek lo ṅumado man fun, n̄ai bilalun̄ uyan an dabai ka ṅupani wa.

<sup>17</sup> Gug aenta a Kristus san ru dufulale dan man in̄sed yaṅad diabisa san urat mi digane da. In̄sad ilo sou itaot tia ya. N̄ai subanek lo ṅumado dan nīnen o in̄sad ru fulalek an lo n̄ai tinig te muruan taida digane isuda san kulob mi digane da.

<sup>18</sup> Amaiak nīnen o dugo wak i? En mi, gidad in̄ ilod lo ilo sou mianuk ak yen boi, tia, ilo sou uyan mok an lo mi dubol ilasa boi, n̄ai ilog tubun mi igo ibol da, dal fidian lo Kristus san fun dufulalep tamolpein ka duloṅ a. Kulob nek en ilasa se yan nīnen o n̄ai youg isa da.

Awo, yousai pempem ago yen a.

<sup>19</sup> Man dugo, n̄ai ṅaloṅ ak, an̄sam gudanek lo, agod binawek a Jesus Kristus anen Ur ipanag dan lo dam, mel saian en n̄ai lo ilasa yen daon̄ ta ipanag na wa, tia, n̄ai patu pasek ṅiṅane wa.

<sup>20</sup> N̄ai tini ganei tubun mi ṅigane da, agod n̄ai ilog lo igo yen da, dal fidian lo n̄ai miai ta ṅiṅane na wa. Tia, n̄ai ilog dabai go pempem ago ṅigane se yak ago mi, gamu en dam Kristus in̄anen yaṅan n̄aisag tinig lo imasap yau dop tamolpein fidian ka dile wa, kumaen lo boi, tia, mateṅ lo boi.

<sup>21</sup> Man dugo, n̄aineṅ ilo sou lo man, n̄ai kumaeg ṅumado tap, Kristus in̄ malan te ya, ak man n̄ai ṅamat tap, an n̄ai tan en lo kumaeg ṅumado dan

irinani geig a.

<sup>22</sup> Nai tinig lo kumaeg numado wo tap, nai Anut inanen urat nunon anda yak ngane wa. Ata mel mok npiliani wo yan nai ta nalon na ya.

<sup>23</sup> Mel uraru an nai dupinag go numado da. Nai bubeg ibol, nai tan nubiseip Kristus da mumado wa. An ilasa tap, an mel aenta fidian irinanaip uyanan mok a.

<sup>24</sup> Gug nai tinig lo tan na numado dop man, nai an ka nubinawan a, agod naisag ilo sou lo an an o uyanan a.

<sup>25</sup> Fun an ninen o nai ta namat na wan ilog lo rumok da. An lo igo nalon ak, nai numado dop, an nubinawan pe, ilom lo rumok amam da uyasusai san dal ari dop na wa, an lo mel ta an ibiatuanan san tia ya.

<sup>26</sup> Agop nai fon mi an sinjirem na nau dop an lo, an nai aliag pe ananem yousai Jesus Kristus lo yan isudap an lo awan isa wa.

<sup>27</sup> Muruan dugo ilasa tap, an ananem turen kagin apani uyanan a, kagin naok a bilalun uyan ak Kristus ninen o yan tubun ak ipani san idaisuda yan, kagin amaiak mi agane wa. An lo dop gidad, nai ansam na npalup njilan ak boi, tia, nai naog tia dop awam nalon bo man, an ninemi wo nai nalon ak, an ilom kisaek mi lo atur sakar da. Ilom kankan kisaek lo atumanip dabai agane wa, an lo ilo rumok a bilalun uyan ak igane ilasa dan tamolpein bubed lo ilasap yen a.

<sup>28</sup> Agod dal ta lo ager adi urer ta dupanan na wa. Kagin a agane dan lo mel en kuai te ilasa ya: Anut murnap ipitinai ak ago ikubiai dile da, gug ananem kagin an ninemi wo ago ta ibol na da, tia,

Anut an patum ipasi wan ago ibol go alon da.

<sup>29</sup> Man dugo, Anut bar uyan ak ta ipanaŋ a. An man an Kristus o ilom lo rumok a. An mi tia, an dam in damon lo madai asini wa, bar an dam ipanaŋ a.

<sup>30</sup> Fun an niŋen o, ager a gubak mi ŋai lo ilasa dugo ale ya, agod ager an gamugo itout an san ru dam alon a, aria, ager naon kisaek an mi an lo dam ilasag yen da.

## 2

### *Kristus sen yabi idu yak ago mi sem ibian adu*

<sup>1</sup> Dugo, Kristus an lo imado dan dabal ipanaŋ i? Dugo, inŋsan ilo panek an maror ipanaŋ i? Dugo, Awan Urgun an lo yen dan akubiani dop in da sisem ator di? Dugo, an tamol aenta niŋedi wo amat dop ilom imuŋanai di?

<sup>2</sup> Mel an niŋedi wo an awok abol tap, ŋai mel taida agane wo ŋamat da. An ilom kisaek dop, nug niŋen o tubun mi amat a. Ago dop bubem atumanip ur kisaek lo, agod kankan kisaek lo mi urat agane wa. An ago agane dop lo ŋaisag yousai an aganep tubun geig ilasa wa.

<sup>3</sup> An yaŋak tubun ak anane wo ŋai-ŋai kagin ta agane na wa, agod taida mi, an kulob fun tia yak lo sem yaŋam ta abisa na wa. Mel ta agane wo dan san fun, sesunoi kagin an lo ilasa wo dan gidad amoi. Tia, an sem ibian adup aenta an diriŋanaŋ ak ago eil a.

<sup>4</sup> An anŋiganem madok mi kagin apani wo ago ta agane na wa. Tia, an aenta dam sad madok kagin apani wa.

<sup>5</sup> Anj igo agane wa. Jesus Kristus ilo sou dugo igane dak, anj dam nek ago mi ilo sou agane wa.

<sup>6</sup> Injen man Anut mok igo imado dugo, in Anut da tou kisaek dumado na ya. Ago bo man yanjan lak na geig an yabi sakar o kankan ta igane na ya.

<sup>7</sup> Tia, injen yabi idug biabi njilanjat tamol igo ilasa ya. Inj tamol kawan tan en san igo ipalu ya.

<sup>8</sup> Inj tan san tamol mok imado ya, an lo injen yabi idu geig a. Inj Anut awan iri panig mel fidian ibol ago mi igane ya, inj ago igane yaug aigim fo dubalig materj ile ya.

<sup>9</sup> Fun an ninjen o Anut inj yabisag lak na geig isuda ya, agog yanjak tubun geig an yanjak aenta fidian irinjanai an ipani a.

<sup>10</sup> An ninjen o saen yanjak Jesus dupate dop man, mel fidian turud disaluwi wa, did lo, tan na agod tan paen na dam ago digane wa.

<sup>11</sup> Ago dop awak fidian kuai tem Jesus Kristus in Tubun ak ago dubol ilasa wa. An lo man kulob en Bai Anut yanjak tubun ak ipani wa.

### *Anj patui ago abanj isapudade wa*

<sup>12</sup> Nai turag muroug, fun an ninjen o, anj man naj malag lo najneg awag pempem aganuri da. Nek ago mi gamu dam gidad naj naog tia bo man, kagin naok naok a Anut anj lo iganeg dilasa yan, nen maeg mi lo ari yau o ago agane wa. Arut bubuli dan lo ago agane, man dugo, kagin naok an man, patu pasek a Anut ipananj dan san nunjon mok a.

<sup>13</sup> Man dugo, Anut injen mi anj bubem lo urat igane da, ago dop an lo mel dugon inj ilon ibol dan ago anj dam ilom ibol a, an lo dop inj ilon dugo yen dan aganurip kagin an mi agane wa.

<sup>14</sup> Anꝑsam madok ilon lo urat biabi fidian agane dop anꝑsem nugnug lo anꝑurnꝑur dop nug apei amoi.

<sup>15</sup> Ago agane tap man aenta anꝑanem kagin dile yan lo inꝑ ru amad tia wa, agod anꝑ ilom lo sunꝑunꝑek tia, ago ka amado wa. Anꝑ Anut nanun muroun teb amam tia yak igo, tamolpein a inꝑsad turenꝑ gidigheid dutor dugo sad ilod ikubili an luluꝑad lo atur da. Anꝑ man ibol patui igo tan en lo abanꝑ asapudade dak igo wonꝑ amado da,

<sup>16</sup> ago dugo anꝑ tamolpein naod na, ru a kumaen ka ipidinai an diꝑanep diabi wo abal ilasa dugo dile da. An lo dop Kristus san nal idu dan te ꝑai se pitianoꝝ ru igo ka ꝑabol a, ꝑaisag maspalu yan, agod ꝑaisag urat dam nuꝑon igane ya.

<sup>17</sup> Urat e anꝑanem ilo rumok lo ilasag Anut agane pani dan ibol alta igo wonꝑ a. Agod ꝑaisag dar man ibol wain alta fo duwatik ak igo ya.\* Inꝑ ꝑaisag dar an alta fo duwatik idu tap, gidad, ꝑai an niꝑen o ilog uyan a, agod ꝑai anꝑ da sisem uyasusai lo mi tumado wa.

<sup>18</sup> Agod ꝑai ilog ibol dak anꝑ dam ilo uyan lo mi ꝑai da sisem uyasusai lo mi tumado wa.

*Timoti inꝑ Epafrodaitas da ꝑaisag urat kisaek*

<sup>19</sup> Jesus Tubun en ilon ibol tap, ꝑai Timoti anꝑsam na ririan ꝑigane ipalu wa. Inꝑ anꝑsam awam aban an inꝑane imul a, ago dop an lo ꝑai ilog yabisa wa.

<sup>20</sup> Etna talpein ta inꝑ igo mi ak ꝑile man tia ya. Inꝑ sen kisaek kagin nuꝑon ak lo anꝑ niꝑemi wo ilo sou igane da.

<sup>21</sup> Tamol aenta man sed ibinawai o mi dumat da, agod inꝑ Jesus Kristus dibinawi man inꝑ dumoi da.

---

\* **2:17:** An inꝑanen matenꝑ san mitilaen mi a.

<sup>22</sup> Gug anj alonj ak Timoti injen ikubiai tile yak inj tamol uyan a. Man dugo, inj nek ibol awa yabek nanuk ta taman da urat digane dak igo wonj, naj sinjireg na bilalunj uyan ak san urat an migane se ya.

<sup>23</sup> Fun an ninjen o milaen tiap anjam na njigane ipalu wa. Ak man gamu naj dugo diginiag ak boi, an malag njiganep njile gup a.

<sup>24</sup> Naj ilog ibol dak, Tubun en sen naj ilog lo kankan igo ipanag dak, milaen tiap njaiseg anjam na njupalu wa.

<sup>25</sup> Ak man gidad naj teig Epafrodaitas, anjam na ririan njigane imul ak man uyan a. Inj njaisag urat kisaek, agod inj naj da sisem yu tamol. Inj dam anjam urat pinein igo adinig naj ibinawag o ipalu ya.

<sup>26</sup> Inj anj fidian ilianj o ilon tubun mi yen da. Agod inj subam ifuni an san ru alonj a, an lo anj ninjemi wo ilon saian a.

<sup>27</sup> Rumok, inj subam dabai ak injaneg imat sikalik a. Ak man Anut ilon imunjanig ibinawi a. Anut naj dam ilon ipanag a, man dugo, inj ta dugo imat mok ak man naj ilo muruan gubak mi an da itumanip muruan tubun mok njisini wa.

<sup>28</sup> Fun an ninjen o, naj njidinip anjam na ipalu wo ilog tubun mi yen da. An ninjen o saen inj ale dop anj ilom uyan a, ago dop man naj an ninjen o ilog tubun mi ta muruan na wa.

<sup>29</sup> Ak ninjen o saen inj anjam na ipalu dop, anj yousai lo mi anjanep ayunani. Tamol naok ago yak yanjan abisa wa.

<sup>30</sup> Man dugo, inj Kristus san urat igane an lo imat sikalik a. Inj anj naomi injaneg naj ibinawag o igane

yau an lo inŋsan kumaen ibisei sikalik a.

### 3

*Tinid suŋulon dutute yak san kagin ibinawad san tia ya*

<sup>1</sup> Nai teig taog, ŋaisag ru wadan igo ya. Tubun ak lo uyam isusa wa. Ru nek en mi ilo sou ipanaŋ san ŋigire wo ilog ta isali na da. Agod nek an dag ibunawaŋ a.

<sup>2</sup> Tamol goun kasik oŋ kagin saiak digane dugo tinid suŋulon dutute dan, niŋedi wo kagin agane wa.

<sup>3</sup> Man dugo, tamol a tinidi suŋulon tutek mok san, an man Juda adi tia ya, tia, an id ilo rumok adi idsed mi a. Id man Awan Urgan lo Anut san ubou tile da, agod Jesus Kristus niŋen o sed ipitiana da. Ago dugo id idsad tini ganei an mel ta idsed tinid san lo ta tigane na da.

<sup>4</sup> Nai ŋaisag tini ganei an tinig suŋulon dutute yan san kagin fo ta ŋigane na da. Ak man nai tinig san mel ibinawag a, ilog ago ka isou wa, man dugo, fun wei kasik dien da. Amaiak niŋen o, tamol sen ak ta inanen tinin san mel niŋen o sen yaŋan yabisa tap, nai dam nek ago mi ka ŋigane wa, agod nai in ŋiriŋani geig a. Man dugo, kududom agure:

<sup>5</sup> Nai tinag iginiagsig nal eit (8) ŋumadog tinig suŋulon dutute ya. Nai Isrel tamolpein sad dar lo ŋilasa ya, Benjamin san gugoi lo, agod nai Hibru tamol mok Hibru sad dar lo ŋilasa ya. Kubiaen niŋen o nai Farisi ŋumado da.

<sup>6</sup> Nai ilog dabai aman da yak niŋen o, nai ilo rumok adi sad midaen lo muruan tubun ak

ņupidinai se ya. Agod kagin itaot ak kubiaen lo ilasa dan ninen o, aenta ņai ninjeg o ru amad tia ya.

<sup>7</sup> Ak man ņai Kristus ņalonj uyan san ninen o gamu ņaineg urat naon dugo ņinane yan igo ņile dak man, mel an kawan ak igo ņai ilog isou da.

<sup>8</sup> Rumok, ņai malag lo urat naon an fidian man mel ideg ak igo wonj ņabol da. Man dugo, ņai Jesus Kristus ņaineg Tubun en ņalonj uyanan mok ak, an san nuņon man mel a fidian nuņod tia yan irinani pasik a. Inj o ņai mel fidian dideg diau an ņeil a, agod mel an metmet igo ņabol da, ago dop an lo ņai Kristus ņinanep ņabi wa.

<sup>9</sup> An lo ņai inj lo ņumado dak ago dile wa. ņai ņaisag fug itaot man kubiaen wagen lo tia ya, tia, ņai Kristus ilog lo rumok an wagen lo mi a. Anut inņsen mi idsad ilo rumok an lo ilod itaot igane ilasa da.

<sup>10</sup> ņai melmel an nuņod tia yak metmet igo ņabol da, ago dop an lo ņai inj ka ņalonj uyan a, agod inanen imasa san dabai dam ka ņalonj a. Agod inj muruan isini ak ago ņai dam ņisinip, an lo inj imat ak ago ņai dam mi wa.

<sup>11</sup> An lo dop, ņai idaisuda tap, ņai dam inj da mamat a. An lo dop idaisuda tap, ņai tamolpein a mateņ lo dumasap fon kumaen dumado da wan dida mumasa da wa.

### *Pol dabai nam imaspalug kob fo itaot yau da*

<sup>12</sup> ņai mel an fidian ta ņinane na ya, agod ņai tinig bubeg da gamugo itaot ilasa da. Ago gug kagin an ņabi sakar o dabai ņigane se ya, man dugo, fun amaiak ninen o Jesus Kristus ņai ibiag sakar da.

<sup>13</sup> Njai teig taog, njai mel en njigane itout ak ago ta njabol da. Ak man njai mel kisaek gamu njigane den man igo ya, njaineg madok wagam a patug na yan ilog injaon pe mel a naog na yan mi leil nupani dop dabai njiganep njijane wo njaou da.

<sup>14</sup> Njai maeg njiganep Anut in Jesus Kristus lo igiag pe lak na njaup njaisag ilo uyan san kob an njijane wo numaspalu da.

<sup>15</sup> Tamolpein a id lulunad lo ilod lo rumok dabai an ilo sou ago digane wa. An aenta mel ta ninen o kankan sensen amam da ator tap, Anut inanan ilon yen dan kuai te igane ilasap ikubiai panan a.

<sup>16</sup> Gug gidad, mel malan te yak man igo ya, id fidian mi kagin uyanan gubak mi tileg tinjane yak, nek an mi tabi sakar pe tumado yau a.

### *Aigim san ager*

<sup>17</sup> Teig taog, an njaisag turen atutunanip amado wa. Tamol a nek man igo dutor dan leil apidinai a, man dugo, in aigim san ager ta dumado na da.

<sup>18</sup> Njai imug mi njurupaian ago mi fon gamu dam malag turon idu dugo njurupaian da. Tamolpein wei mi in ilod lo rumok ak dubol dan inaned kagin naok naok lo man Kristus anen aigim san ager dumado da.

<sup>19</sup> Inaned wadan man daon mi a. Inaned tubud man tinjaed mi a. Kagin a ninen sed yanad diabisa san nek an inaned miai mi a. Inaned kankan lo tan en san melmel ninen o mi ilo sou digane da.

<sup>20</sup> Gug id man kumaen panu san tamolpein mok a. Ante patud ipasi san Tubun ak Jesus Kristus imul ipalu o malan tigane da.

21 In iganep idsad tinid tan en san dabai an tia yan ibileksap, injsinan tinin kumaen panu san girager aman da ago mi ak ipanad a. In idaisuda dop mel fidian idiraig in paen na dumado yan, an san dabai lo id tinid ibileksap girager panu san tinik tinjane wa.

## 4

1 An ninjen o, naj teig taog, dal amaiak lo an gamu Tubun en lo atur sakar a. An naisag turag muroug, naj an ninjemi wo namat da, njilan o ilog yen da, an naisag yousai san fun, agod najneg urat naon san nunjon.

### *Ru kagin*

2 Naj Yuodia in Sintaki da nug asued amaiak amoi o nusumianaan da. An ilom kisaek mi wa, man dugo, an Tubun ak lo amado da.

3 Awo, on dam, naisag turag uyanan urat sisem tigane da, naj igo nusumiano, on pein uraru an binawai a. Man dugo, naj ru uyanan nfulale na yan lo, in naj dida nug mupinig urat migane se ya. Agod Klement in naisag urat kisaek aenta dida yanad kumaen san buk lo yen la yan, urat nek ago mi nug mupinig migane se ya.

4 An Tubun ak lo pempem uyam isusa wa. Naj fon mi njabol da, uyam isusa!

5 An kagin mos na mi agane dan agane kuai te ilasap, tamol fidian ka dile wa. Tubun en in sumeik ipanad la ya.

6 An melmel o ilom ta gidigheid na wa, tia, mel fidian ninjen o Anut mi asumiani wa. Mel fidian ninjen gudanek agane dan, anjanem ru an Anut arupeip ilon a, agod ilo uyan ru dam arupei wa.

<sup>7</sup> Agod Anut san maror a idsad manjau fidian irinjan geig dan, anjanem bubem kankan da Jesus Kristus lo dumui igo ibalgiranan a.

<sup>8</sup> Teig taog, ru wadan igo njurupaian da. En ata mel rumok, uyanan, itaot ak, ikok, sinjaokan, kududod lo uyanan, kagin uyan ak aenta, mel aenta yanad tabisa san, an ninen o mi an ilom igire wa.

<sup>9</sup> An njaisag na manjau anjane da, an njaisag na mel asini da, an njaisag ru alon da, an njaisag turen dugo njator dan ale da. Aria, an dam nek ago agane wa, ago tap maror san Anut an da amado wa.

*Pol Filipai tamolpein ilo uyan ipidinai da*

<sup>10</sup> An saen milaen mi yau itout dugug, gamu fon naj o ilom isou da. An ninen o naj Anut ilog tubun mi uyan njupani da. Rumok, an pempem naj abinawag o ilom yen da, gug saen milaen mok an dal ta ale man tia ya.

<sup>11</sup> Naj mel ta lo katukag ak ninen o mel apanag o ta njajurnur na da. Tia, njaisag abeg dugon lo njumado dan, naj ilo uyan lo njumado da.

<sup>12</sup> Naj mel tia kawan njumadog tinig ilon a, agod naj mel amag da njumado yak dam tinig ilon a. Awo, naj anan amag da wak, tia, anan amag tia wak, naj njumatigen ak, tia, luag ipuk ak, melmel fidian lo naj an kagin njupanig, njalon uyan a.

<sup>13</sup> Enti in naj dabai ipanag dan lo naj mel fidian ka njigane san idaisuda ya.

<sup>14</sup> Gug, an naj da sisem njaisag muruan e tisini en lo, an ilom apanag an uyanan a.

<sup>15</sup> Agod an Filipai tamolpein ansem alon ak, saen naj fun njiganeg Tubud ru njufuleg Masedonia

ņubiseig ņau an midaen taida ņai moni lo dibi-nawag man tia ya, tia, ansem mi ņai abinawag a.

<sup>16</sup> Agod saen ņai Tesalonaika na ņumado yan, an moni ņaisag na agane ipalu se ya.

<sup>17</sup> ņai ru igo ņabol dop lo an moni taida apanag o ta ņidalel na da. Tia, ņai ru e ņabol den lo ananem kagin uyanan a nuņon ifu an lo, ansam gubun ņai tinig lo yen den ilasap tubun dop Anut ikubune wa.

<sup>18</sup> Mel an agane ipalug Epafrodaitas inaneg ņai ipanag a, an lo gamu ņai mel ta lo katuk amag san tia ya. An lou kawan ak da aganeg ipalu yan lo ņai idaisudag ņumado da. Lou an Anut malan lo man uyanan a. An nek ibol yai mumalun uyanan ak, Anut ilo uyan ipani igo won da.

<sup>19</sup> Agod ņaineg Anut in an mel ta lo katukam mi dop in sen mi idaisudap ipan an a. In san filian girager panu lo yen dan Jesus Kristus banin lo binawek an anane wa.

<sup>20</sup> Id pempem idsad Tamad Anut mi yan an tabisap lak na yau a. Rumok.

### *Ru wadan*

<sup>21</sup> An man gun adi fidian Jesus Kristus lo dumado dan ilo uyan apidinai a. ņai teig taog, ņai dida mumado den an sam na ilo uyan ru en digane ipalu da.

<sup>22</sup> Anut anen tamolpein gun ak etna Rom na dumado den an sam na ilo uyan ru dupan an a, agod aenta a Kaisa san ab lo urat digane dan in dam malmalan mi ilo uyan ru dupan an da.

<sup>23</sup> Tubun ak Jesus Kristus in anen ilo panek an anem ur da itumanip kisaek mi amado wa.

**Anut san bilalug foun**  
**The New Testament in the Takia Language of Papua**  
**New Guinea**  
**Nupela Testamen long tokples Takia long Niugini**

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

---

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d